



www.BibleForChildren.org




Jowãw 14



Ti m' sahõnh hẽ ta ma matëg sa hã Jesus ky hadoo:
—Bẽ hyb n'aa tón manäh. Taw'ããts hẽ bẽ h'yy kae
had'yyt hẽ P'op Hagä Do hã. Hã ÿ na-ããj hẽ taw'ããts
hẽ bẽ h'yy kae had'yyt hẽ. Hỹ pong jé, Ee tób bã,
tabawät bã, ti anäng hajõng bẽ baym doo.




Tĩĩ hēnh ỹ basēēk bē pooj jé, ỹ benām hyb n'aa bē baym do hood. Tii d' tanado bā paawā ỹ her'oot paawā bē hā. Ỹ basēēk bē tyw n'aa ỹ benām hyb n'aa. Tii bā ỹ matēēh da bē ỹ mahũũm hyb n'aa wē ỹỹ, ỹ bawāt bā bē babok hyb n'aa na-ããj hē.



ÿ Jowãw, bë hỹỹj hadoo doo, bë nemuun h'yyb
jawyg gó ÿ gadoo ër hã rarahejãã doo. Bë
nemuun Jesus bag'ããs do karapee

hadoo do ÿỹh.




Tsyt dëëg hã Pat-Mos häd näng doo hënh majë
ỹỹ ỹ rataj'oo gëët, ỹ maher'ood hõm do hyb
n'aa paa P'op Hagä Do ër tamaher'oot


doo, baad hadoo do Jesus
metëëh do na-ããj hë.




Nayyw hẽ P'op Hagä Do Sahee ÿ tah'yyb mahũũm
kän tii bä. Tii bä ta bagã tyng n'aa ÿ hapäh hỹ
pong jé. ÿ hapäh ta jó hasooh doo.




Tii bā ÿ maa napāh sahōnh hē kapahuuj wāt doo, hÿ
pong jé habong doo, badāk hahÿÿ bā habong doo,
t'ōp dejēp do rababong bā, t'ōp
tamii yt hā habong do na-āāj hē
rejām doo: “Tabagā tyng n'aa jó
hasooh do hā, B'éé T'aah hā
na-āāj hē, ēr j'aa etsē, ēr weh'ēēh,
ēr hyb n'aa
jawyyg had'yyt
hē! Ti né hē
tak'ēp
rabahejooj
had'yyt hē”,
nāk sa
kyyh.




Tii bä panang Jerusarēnh papuuj, tsyt hẽ P'op Hagä Do
wẽ kasëew däk do ÿ bahapäh hỹ pong jé naa hahyng
doo, P'op Hagä Do bawät doo bä naa. Tak'öp tabanäm,
maruus katëë do pan'aa saroor tak'öp hanäm do dadäk
doo da, ta patug pan'aa tagadoo hyb n'aa hadoo.




Tii bä P'op Hagä Do bag'ããs do tyng n'aa bä naa rë
tanyy ky hadoo: “Hỹỹ kä, ajyy, yỹj rababok doo bä P'op
Hagä Do panang. Sa mahang P'op Hagä Do bawät da.
Ta karapee da tii. Sa sii né da P'op Hagä Do bawät. Ti
né hẽ ti rah'yy kaha'eeh doo.”



Tii bä kä, tamii awäd had'yyt hẽ do naëng hanoo do
ããs metä wäd kãn hã ãã. Paras-ko s'ëëb hadoo, tak'ëp
ty ganäm pä tæg hawak do hadoo tamii. P'op Hagä
Doo, B'ée T'aah daheeh sa bagã tyng n'aa bä naa
taganyyh.



Ta ti panang bä, dooh hyb n'aa pé papỹỹj bag,
kamarab bag, tabawag had'yyt hẽ do hyb n'aa P'op
Hagä Do bag tak'ëp gabarëëh do an'oo bä. B'éé T'aah
na-ããj hẽ panang bag hadoo.



Dooh nesaa pé t'ĩĩ
hěnh hajěě pěě péh.
Dooh da rajěě pä bä
ta tii bä kabarii hã
h'yy ka'eeh do paah,
P'op Hagä Do wad'ii
do paah. Jããm hě
hajěě p'ěě da ta tii bä
B'éé T'aah wě
hanäng do edëb
had'yyt do gadoo do
sa häd heen n'aa hã
sa häd kerih doo.



“P'op Hagä Do awug hõm da sa
ty nabëëh. Dooh wäd dajëb.
Dooh dajëp do hyb n'aa h'yy
katón wät péh, dooh wäd do hyb
n'aa dajëb. Dooh ji aód wäd bä.
Dooh ji ahob wäd bä. Tii d'
tawén hadoo da, badoo wät do
hyb n'aa pooj jé hanäng doo”,
näng P'op Hagä Do bag'ããs do
tyng n'aa bä naa ganyyh do
kyyh.




Ta tii bä dooh ky n'aa kawasee do tanyy wäd bä. Tii
d' tawén hadoo da, panang bä né hě P'op Hagä Doo,
B'éé T'aah rabag'ããs do tyng n'aa batooj kăn do hyb
n'aa. P'op Hagä Do karapee, panang buuj, rahyb n'aa
jew'yyk da ta hã.

Rahapäh da P'op
Hagä Do mamets.
Sa maboor hã
takerii däk da
ta häd.




Tii bä sahõnh hẽ dejëp do paah, ky n'aa ets'ëëh do paah, ky n'aa nets'äs do paa na-ããj hẽ P'op Hagä Do bag'ãäs do tyng n'aa pooj jé rababë kãn ÿ hapäh. Tii bä ma kahé bäh hã kasëëts däg kãn ta hã ramoo bok do kerih doo. Ma kahé bäh, edëb had'yyt do gadoo do sa häd kerih do heen n'aa tagasëëts hõm na-ããj hẽ.


Tii b' dejëp do paa
P'op Hagä Do
ky n'aa ety däk.




Ma kahé bäh hã takerii däk ramoo bok do paah.
Ramoo bok do pénh raky n'aa kety däk. Ta tii bä
radewäts bëënh sahõnh hẽ sa häd kanerih do edëb
had'yyt do gadoo do heen n'aa hã.



P'op Hagä Do Sahee, B'éé T'aah ỵm pan'aa
na-ããj hẽ ky hadoo Jesus hã: “B'ëëp ahyyh!”,
näk sa kyyh. Taw'ããts hẽ hahỹ maa new'ëë do
ti na-ããj hẽ raky hadoo: “B'ëëp ahyyh!”



Jé hoo kaanh do hadoo doo, jé karẽn doo, taw'ããts
hẽ tabana Jesus wẽ, tagadoo hyb n'aa naẽng ji
edëb had'yyt hẽ hanoo doo, bag hẽnh
kan'oo däk doo.



Tak'ëp badäk hahỹỹ hã habong do P'op
Hagä Do kamahãn. Ti hyb n'aa taban'oo
däg kãn sét hadoo do ta T'aah, sahõnh hẽ
ta hã h'yy ka'eeh do tabanesaa hẽnh
ranahõm hyb n'aa, rabadëb had'yyt
hyb n'aa hỹ pong jé P'op
Hagä Do pa kä.



Roma 3:23

Sahõnh hẽ né hẽ ramoo boo däk nesaa doo. Dawëë sahõnh hẽ rababoo däk tak'ëp baad hadoo do mahãnh, sa hã P'op Hagä Do anoo do paawä.

Roma 6:23

Banesaa hẽnh, dawëë P'op Hagä Do mahãnh ji h'yyb tym bawäd had'yyt hẽ, baad nadoo do ji moo wät do sãm. Tii d' nado ji matym n'aa P'op Hagä Do ji hã tanoo doo. Hỹ pong jé, ta pa had'yyt hẽ ji bawät P'op Hagä Do an'oo bä, ër wahë n'aa Kristo Jesus hã ër h'yy kata däk do hyb n'aa.

Eberew 9:27

Sahõnh hẽ ji, sét nuu me né hẽ ji dajëp. Ji dajëp jawén paa bä kä P'op Hagä Do ky däng da nyy da ji tabad'oo, baad tado bä, baad tanado bä.



Epeso 2:8,9

Jããm hẽ bẽ hã taky enyym do hyb n'aa bẽ tedëëb wät nesaa do mahãnh, bẽ h'yy ka'eeh do hyb n'aa ta hã. Dooh bẽ hanaa tado bã tii. P'op Hagä Do anoo tii, ji matym n'aa hadoo. Dooh baad hadoo do ji moo wät do hyb n'aa ji tawén ed'ëëp, ji daaj hẽ ji hã hẽ ji h'yy kasabé mahãnh.

Roma 10:9,10

Hahỹỹ da ãã panäk sahõnh hã: T'õp, a h'yyb gó naa ta wób ramaa napäh bã, “Jesus né hẽ Tak'ëp Hyb N'aa Jawyk Doo”, manoo bã, dejëp do mahang ganä wät P'op Hagä Do an'oo bã baad a h'yyb gó maky dahé bã na-ããj hẽ, tii bã õm da P'op Hagä Do ed'ëëp nesaa do mahãnh, õm da ted'ëëp ta wë. Ji tawén ed'ëëp, ji h'yyb gó né hẽ ji ky daheeh do hyb n'aa baad ji bahado däk hyb n'aa P'op Hagä Do matym gó. Ji tawén ed'ëëp na-ããj hẽ, ji noo me ji her'oot do hyb n'aa, “Jesus né hẽ Tak'ëp Hyb N'aa Jawyk Doo.”



Jowãw 3:16,17

Tak'ëp badäk hahỹỹ hã habong do P'op Hagä Do kamahãn. Ti hyb n'aa taban'oo däg kãn sét hadoo do ta T'aah, sahõnh hẽ ta hã h'yy ka'eeh do tabanesaa hẽnh ranahõm hyb n'aa, rabadëb had'yyt hyb n'aa hỹ pong jé P'op Hagä Do pa kä. Taky n'aa etyy hyb n'aa nado nesaa do sa hã P'op Hagä Do wén mejõ hyng ta T'aah badäk hahỹỹ bä. Tawén mejõ hyng, ta hã rabadëp hyb n'aa nesaa do mahãnh —näng mä Jesus kyyh.



1 Jowãw 5:11-13

Hahỹỹ da ta T'aah ky n'aa P'op Hagä Do metëëh ji hã: Ta T'aah hyb n'aa ji h'yyb tym tabed'ëëp, hỹ pong jé ta sii ji awäd had'yyt hẽ hyb n'aa. P'op Hagä Do T'aah gadoo do ta h'yyb tym gó, hỹ pong jé had'yyt hẽ tabawäd däk da P'op Hagä Do sii. Ta T'aah ganadoo doo, dooh né hẽ tagado bä edëb had'yyt do P'op Hagä Do pa. Ỹ wén ma erii wät hahỹ bë hã, P'op Hagä Do T'aah hã h'yy ka'eeh doo, edëb had'yyt do bë gado däk né hẽ, baad bë bahapäh hyb n'aa.



Jowãw 14; 2 Korĩn 5; Apokarip 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Nadeb NT (mbj) © 2011, Wycliffe Bible Translators, Inc.
All rights reserved.

<https://www.bible.com/bible/452/MAT.1.MBJ>

©2026 Bible for Children, Inc.

www.M1914.org

www.bibleforchildren.org

